

# DIE VIEZEHN NUTHELLEFE

---

Paul Justen

En de jooede aale Zeit  
Woeren männich Wäch off lang on weit.  
Et joof nix flöckeres opp de Äed  
Als dat Tempo von nem Päd.

En jeisslich Häe, mot jruuß Farrei  
Meint op et füe inn deehnlich sei  
Dat äe sech ät e Pädche kaufe,  
Dann könnt äe regge, brööch net laufe.

Em Farrhoff stuhn ose Pastue,  
Kuet jedronge seng Fijue.  
Newwich imm seng Köchin Steng  
Die heel dat Pädche an de Leng.

Su einfach op dat Päd ze spronge,  
Dat woe at paarmol net jelonge.  
De Bein ze kuet, - dat woe at schläch  
Et woe im och de Buch em Wäch.

So off ae sech och Anlauf noohm,  
En de Sattel äe net koom.  
De janze Saach die woe veflix,  
Doch all seng Schenne holf imm nix.

Äe daach: Wenn Schenne nötz mie net,  
Dann wiet zo de Hellije jebet.  
„Ie Nuthelefe oh helft mie doch,  
Dat ech kunn en de Saadel noch!“

Äe noom sech Anlauf, sprong em Boore  
Do os äe üwwe dat Päd jeflore.  
Huh en de Loff dät äe en Kreich:  
„Helleft net all viezehn, eine reich!“

Doch als äe dann om Boddem loch  
Hat keine Knoche sech jebroch,  
Du soot äe: „Dank öch alle viezehn Menn  
Datt ie mech droocht op üere Henn.“

Su jeit et off en oosem Lewwe  
Op beim Deue ode Hewwe  
Ode hei en jenem Fall,  
Rööfs du eine, kunn se all.